

# TONG PU HARGA DALAM KRISTUS

Ada anak satu yang mo skola ke kota. De pu orang tua kasi de satu kalung deng bilang jaga baek kalung itu karna itu dapat dari dong pu nenek moyang. Tapi waktu de skola di kota ada turis yang suka skali deng kalung itu trus mo bli dari anak itu. Karna anak ini de perlu uang, jadi de pigi jual kalung itu yang de pu keluarga kasi.

Satu kali begini anak itu de pulang ke kampung karna libur. Dengar kalo kalung itu de su jual de pu orang tua rasa sedi skali.

Kadang tong orang Kristen macam begitu tong sengaja kasi hidup yang baik deng penting skali tu hanya demu uang. Macam-macam bgini bikin Tuhan sedi skali.

Jadi mari jaga tong harga diri di dalam Kristus. "Sebab kamu telah dibeli dan harganya telah lunas dibayar: Karena itu muliakan Allah dengan tubuhmu!"

(1 Korintus 6:20)

Tuhan bilang juga

Jika kita mengaku dosa kita, maka la adalah setia dan adil, sehingga la akan mengampuni segala dosa kita dan menyucikan kita dari sgala kejahanatan."

(1 Yohanes 1:9)

S

T

O

P


**Sa mo bilang...**  
TRAMAU seks sembarang!  
Jaga diri tetap bersi sampe  
Nika. "Jangan Bersinah!"

(Keluaran 20:14; Amsal 5,6:20-35,7)

**Tetap Setia stela Nika...**  
Hubungan bisa untuk Paitua/  
Maitua dan jang lama-lama jau  
deng Paitua/Maitua.

(Ibrani 13:4; 1 Tes 4:1-8; 1 Korintus 7:5)

**Orang Sakit cepat pigi priksa**  
Kalo ada tanda-tanda HIV AIDS  
cepat pigi Tes HIV.



# KINAPA

## TONG SMUA PERLU TAU PENYAKIT **HIV AIDS?**



Karna trada obat untuk bunu virus HIV AIDS. trada Vaksin yang bisa kas stop ini.

AIDS tu penyakit yang paling bahaya skali de cepat kena smua orang di dunia lewat seks bebas, jarum suntik ato alat tusuk lain, bisa juga lewat mama pu air susu.

HIV de bisa serang smua orang tra perlu ko laki-laki ato prempuan, ko dari suku mana, ko pu bangsa apa, agama ato ko pu umur.

AIDS buat tong pu hidup tamba sengsara, tra Cuma untuk orang yang kena saja tapi juga de pu kluarga deng masyarakat.

Orang yang su kena HIV de bisa kas kena HIV ke orang lain slama de hidup.

Kam smua, ada satu penyakit baru, de ni paling bahaya skarang su ada di Papua. De pu nama AIDS. Penyakit ini de bahaya skali, kalo sampe ada orang yang kena, de pasti mati. Penyakit ini de gampang skali kena ke orang lain, tapi ada cara untuk bisa jaga diri spaya tra kena, tra sulit mo kalo kam mau kas stop penyakit ini. Kam dengar crita ini, supaya kam tau penyakit ini pu gejala, deng bagemana de pu cara untuk kam bisa jaga diri. De pu crita tu begini:

Dulu ada orang satu de ni dari kampung, de pu nama Yusup. De snang pigi jalan main ke kota. Waktu de ada di kota sana, de ada uang jadi, de pake uang tu untuk jalan main prepuan saja. Hari-hari de hidup bgitu, satu kali de sakit kras sampe bikin de tinggal di ruma saja. Orang-orang dong smua kira, "Ini sakit biasa saja." Tapi orang-orang dong liat begini, "Wa.., de tamba lema trus."

Yusup pu sakit tu tra sperti sakit malaria, ato bisul, ato sakit prut biasa, ato penyakit lain, sampe Pa mantri lagi de bingung, "Bagemana bisa bantu dia? Tra lama pace ko dapat bengkak di leher sama di de pu prut bagian bawa, juga dekat de pu kmaluan lagi bengkak. De juga batuk kras. Malam de panas skali sama kringat." De juga su lama mencret trus, sampe de pu cairan di badan mo abis.

Trus de pu kulit jadi kring sampe mulai takupas sperti kaskado. Ada banyak biji-biji kecil di badan juga, sperti bisul hitam yang tamba besar dan tamba banyak. Jadi waktu pace mantri Paulus liat de juga bingung, "Orang ini de kena penyakit apa eh?" Waktu itu Yusup pu maitua, Beti su hamil lima bulan, tapi de juga mulai sakit. De pu brat badan turun trus, sperti de pu paitua, padahal ni kiasian mace ada hamil. Lewat brapa bulan begini, ada dokter yang datang ke Yusup pu kampung untuk suntik anana kecil. Yusup pu kaka bawa de spaya dokter priksa juga. Beti lagi de ikut untuk pigi priksa karna de pu badan tamba kurus trus. Smua orang-orang dikampung trada yang mo bicara sama dong karna dong takut kena penyakit itu. Juga trada yang mau datang ke dong pu ruma. Yusup deng de pu maitua tamba kurus deng lema trus trada orang yang mo tolong dong lagi, sampe dorang dua meninggal.